

Terceira Feira de Sementes e Plantón Ecolóxicos

Escrito por Redaccion @valminorinfo
Venres, 12 Abril 2013 18:23



O vindeiro domingo, 14 de abril, a Fundación Galicia Verde celebra na súa sede de Leboso ([Forcarei-Pontevedra](#)) a Terceira Feira de Sementes e Plantón Ecolóxicos.

Na feira, a máis doutros produtores, estará a Rede Galega de Sementes, coa se que poderá facer troco de sementes, a maiores das propias sementes da Fundación Galicia Verde, froito do traballo do ano pasado e que foron obtidas sen utilizar ningunha substancia química de síntese, como sempre debería facerse.

Amenizarán a feira a música da Banda de Gaitas da Escola Municipal de Forcarei, a maxia do Mago Teto e haberá xantar de todo tipo: o tradicional polbo, tortilla e empanada, e tamén menú ecolóxico incluíndo empanadillas vexetais, postres, así como téis, bebidas e refrescos.

A participación é aberta a todo o mundo.

Para os que non poidan ir até [Forcarei](#), a fundación conta cunha [tenda de comercio electrónico](#) onde están á venda as súas sementes ecolóxicas.